



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavke

A nr. 160/2014

Paneli Zgjedhor për Ankesa dhe Parashtresa (PZAP), i përbërë nga gjyqtarët: Ferit Osmani kryesues, Rafet Haxhaj dhe Xhevdet Abazi anëtarë, duke vendosur përkritazi me ankesën e Enver Ulaj nga Peja, paraqitur kundër subjektit politik Lidhja Demokratike e Kosovës (LDK) me seli në Pejë, për shkak të vendosjes së posterit në pronë private pa lejen e pronarit, për Zgjedhjet e Parakohshme për Kuvendin e Republikës së Kosovës, në seancën e panelit të mbajtur me datë 08.06.2014, mori këtë:

### VENDIM

**Hidhet poshtë** si e pa rregullt ankesa e Enver Ulaj nga Peja.

### Arsyetim

Me datën 05.06.2014, Enver Ulaj, ka parashtruar ankesë në PZAP, në të cilën ankesë pretendon se në rrugën “Bill Klinton” afër shkollës, pra në murrin e banesës së tij, një person i pa njohur, pa lejen e tij ka vendosur një poster të kandidatit për deputet të Kuvendit të Kosovës nga radhët e LDK-së. Parashtruesi i ankesës ka theksuar se është shkelur neni 3.2 i Rregullës Zgjedhore nr.01/2012. Parashtruesi i ankesës ka kërkuar që subjekti politik të dënohet si dhe të rregullohen dëmet në murrin e banesës.

Parashtrusi i ankesës i ka bashkangjitur 2 fotografi të printuara dhe një CD me fotografit origjinale si dëshmi.

PZAP-i, pasi që shqyrtoj rregullsinë e ankesës gjeti se:

### ankesa është e pa rregullt

PZAP-i, konstatoi nga shkresat e lëndës se ankesa nuk i plotëson elemente themelore të ankesës siç kërkohet në bazë të nenit 3.5 të Rregullave dhe Procedurave të PZAP-it, “Ankesat duhet të dorëzohet me shkrim dhe të jenë të nënshkruara nga ankuesi”, po ashtu në bazë të nenit 3.6 pika (d), në të cilin theksohet se ankesa duhet të përmbajë vërtetimin nga pala ankuese lidhur me vërtetësinë e përmbajtjes së ankesës.

Prandaj, bazuar në dispozitat e lartëtheksuara, PZAP-i nuk u lëshua fare në shqyrtimin e kësaj çështje, meqenëse nuk janë plotësuar kushtet e parapara ligjore sipas dispozitave ligjore të nenit 3.5 dhe 3.6 pika b, të Rregullave dhe Procedurave të tij, andaj në kuptim të nenit 4.2 të Rregullave dhe Procedurave të PZAP-it si dhe në bazë të nenit 118.1 të LZP-së, lidhur me ankesën e lart përmendur u vendos si në dispozitiv të këtij vendimi.

**Paneli Zgjedhor për Ankesa dhe Parashtresa në Prishtinë**  
**Anr.160/2014 më datën 08.06.2014**



### ***Këshillë Juridike:***

PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se çështja prek një të drejtë themelore.*